



59772



Mag. St. Dr.

P

Teol. 4228

Oborski Nicolai: Conclusiones theologicæ de legi-
bus ex D. Thomas.

Conclusiones theologicas de legibus ex D. Thoma.

Nicholas Ord. Grad.

C

I

I

CONCLVSIONES
THEOLOGICÆ
DE LEGIBVS.
EX
D. THOM A.



aa.

Worski



59772
III

E
D
CO
TO



ex cuiu
mente o
tias in
let, cen
parstimo
enim ta
arena e
uentur
vestiga
Te PR
Nam v
sthenis
quam d
Legibus
bonus an
bus imm
pestatem
pressum
ex Bene

EXIMIO ET ADMODVM REVERENDO DOMINO,
D. BONIFACIO
ROSTOCKI.
COMMISSARIO NVNCII APOSTOLICI,
PRIORI TYNECENSI DIGNISSIMO,

A C
TOTI TYNECENSIS CÆNOBII NO-
BILISSIMÆ COMMVNITATI,
ORDINIS S. BENEDICTI,
Dominis, & Patronis Colendissimis.

Terum bodie Thomas Benedicti Vmbra quærit. Eximie
& Admodum Reuerende, Dñe PRIOR Dignissime. nec iam in
Cassinio Pago ast in sacro Legibus Arcopago eius Nomini famulatur.
Meruit quippe sanctum Benedicti Ascetorium, ut non solum bullatæ
virgulta ætatis, verum & Doctorem ei Thomas acclinaret exedram,
ex cuius sacro nemore radices sumpserat. Vicinum calis Benedicti Montem nunc
mente conscendit: ut ubi rationis attigerat usum, dictamen explicet rationis. Gra-
tias in immensum suo diffusas Ordini mensurat Legibus; quas dum recensere non va-
let, censum parat. Quippe abunda munerum frequentia, interdum reminiscentiæ
parsimoniam infert. & largo fonte effusæ dotes, memoriam cogunt naufragare. Quis
enim tam locupletes Gratiarum Myriades reducet ad calculum, quibus recensendis
arena est exigua? viuunt hætenus alto commendatæ pectori; proindeq; authoris mo-
uentur ad nutus. Trahit voluntatem exuperans in Benedicti Nomine bonitas, sibiq;
vestigalem extorquet amorem. Quem verò aptius, hac parua contingat portio, si non
Te PRIOR Dignissime, qui & Nomine & Munere affinis es BENEDICTO?
Nam ubi ille dicere, Tu facere bene nosti. Gestet Benedictus tonantia eloquio Demo-
sthenis Ora: Tu benefacientis Titi faciem portas, hoc vno felicior ab eo, quod nun-
quam diem perditurus sis, Thomistici solis stipatus meridie. Vltrò ille Theologicis
Legibus quas bene scripsit, Tuum latus ambit, ut Benedicto affini Bonifacio, etiam
bonus arrideat scriptor. Hinc liceat Nobis ex tam largâ bonitatis congerie, bonis au-
ibus imminens redimire certamen, quibus etsi aduersorum Aquilo sudoris inducat tem-
pestatem, illam tamen ROSTOCIANA Manus gemmis temperabit, dum ex suo ex-
pressum Nomine effundet rorem. Claro iam omine Victrices nobis adumbrant palmas
ex Benedicti spineto pullulantes ROSTOCIORVM ROSÆ, quæ inquilinas sui, cer-
tamini

tamini nostro deuouent Gratias. Olim Athanis reperta in primis fundamentis ROSA,
 secundissima prosperitatis explicauit indicia: At perfectiorem nobis sponder fortunam,
 quia in se perfectus Tuorum florum ternio. Nulliusq; casus nos pauidos finit. Nam
 siue langueat animus, siue titubet ratio, auitis Tuis floribus fulcietur. Nec Te hic
 labenti pratermitto memoriâ, huius Capitis Nobile Corpus TYNECENSE CÆ-
 NOBIVM, cuius emerita Virtutis verticem potestatis symbola coronant clauas. Hinc
 ultrò etiam Leges nostra quæ potestatem quandam spirant, in Tuo fauore sperant:
 grandem à Te præstolantes tutelam, pro quarum vigore etiam vibratum rotas mucro-
 nem. Nonnemo Legibus annuere calamo volens, eis duos excitauit colossos, vni dia-
 dematum ternionem, alteri Ensem commendans, addito: Nititur his Regnum. Hu-
 ius viuum in Te nitet prototypon. Triplex ROSTOCIORVM ROSA Legibus ve-
 ligales coronat animos; TYNECENSIS Mucro rebelles arcet: Orbemq; in sui co-
 git stuporem, quam fauenti pectore Legum foueat vigorem. Ita semper Legum appre-
 tiabas valorem facundissima Iustorum Mater, TYNECENSE CÆNOBIVM: Pro-
 hinc etiam hanc viuum animi mei tesseram Tu ne cense vilem, quam Tibi Thomistica
 euoluit Palæstra. Non degeneres Benedicti Filij huic benedicite Operi, in Crucem
 actis auitis clauibus; quibus etsi fortunæ gazas aperire concessum, nec Conclusionum
 nihilominus abhorrescite clausulas. Nobilissima Communitati Vestra bonum commu-
 ne spirant, quia Legibus animantur. Te vero cuius tanquam Capitis influxum mem-
 bra capiunt Dignissime PRIOR iterum interpello, vt Fratervi affectus sincerum
 non dedigneris candorem. Illustriores quanquam merebaris Titulos, verum etiam
 Lex hæc, Lux tua quandoq; erit. Erumpet ex asceticis lucis, luculenta meridies lu-
 cis, & postquam Te aris ceu Tyry Herculem Legum adstrinxerit obligatio: Tyaris
 dignum reddet. Incolumes Tibi augebit horas, & in summo Fortunæ auge aeternum
 flamen dabit. Quodsi ceteri quibus fata indixerunt excidium, sine Lege peribunt:
 Tu cum nostris Legibus perennabis. Nisi fortè vel idèd hunc exilem meum dedigneris
 laborem, quòd cum Legibus Te conueniam, quem ad Leges parato aggredi expedit pe-
 ctore. Ergo vt huic satisfaciam nodo: postquam Te in ROSTOCIANARVM
 ROSARVM prima, primum ceteris, in secunda, secundiorum omnibus volui, nunc
 venerabundus posco, mihi in tertia Legem pone.

Eximia & Admodum Reuerendæ Domina-
 tionis Vestrae, totiusq; Nobilissimæ Ty-
 necensis Communitatis,

Deuotissimus seruus

Fr. NICOLAUS OBORSKI Sacr. Theol.
 Præsentatus, Generalis Studij Cracouiensis
 Baccalaureus, Ord. Prædic.

SELE-

SELECTIONES CONCLUSIONES THEOLOGICÆ DE LEGIBVS.

Ex Prima secundæ Angelici Doctoris, à Quæstione nonagesima, vsq; ad Quæstionem centesimam octauam inclusiue, transumptæ.

I.

CVM ex D. Augustino remotâ iustitiâ, nihil aliud sint Regna, nisi magna latrocinia: meritò necessitas Legum inde colligitur. Nam Leges nedum sunt fundamenta Reipublicæ, quibus nixa hæret, & firma in cæpto perseuerat bono. Verùm nerui & sanguis à Tullio appellantur, quibus quisq; & ad officium iubendo vocatur, & à fraude verando retrahitur. Verùm quia alia est ratio Theologis, à Iurisprudentibus de Legibus tractandi, cum illi considerent eas, vt ordinant nos in communem Reipublicæ pacem: Nos autem tractamus de eis, vt ordinant nos ad æternam illam, quæ in Dei visione sita est, felicitatem. Iure meritò Lex à nobis cum Angelico Doctore definitur: Quod sit quædam rationis ordinatio, ad bonum commune, ab eo qui curam communitatis habet, promulgata.

II.

HÆc autem Lex quantum ad suam substantiam, non in intellectu simul & voluntate, neque in voluntate formaliter, sed in actu intellectûs consistit, cum eius muneris sit, præcipere & imperare: Licet præsuppositiue, & de connotato importet actum voluntatis: Nam proprium est Legis mouere subditos ad aliquid agendum.

III.

ET quia ex Hsidoro, Lex nullo priuato commodo, sed pro communi utilitate Ciuium conscripta est: Ideò asserimus de ratione Legis esse, quæ debet esse permanens, & quasi perpetua, quod pro communitate feratur. Potestas autem ferendi talem Legem, solam pertinet ad multitudinem, vel ad eum, qui curam multitudinis habet.

IV.

Promulgationem ad hoc, vt Lex obliget in actu secundo, necessariò requirimus, quam quidem promulgationem licet in definitione Legis includamus, illam tamen non esse de essentia Legis, vt rationem formalem firmiter tenemus, sed solùm eam adstruimus per modum conditionis necessariò requisitæ, ad hoc vt actu obliget subditos.

B.

V.

Legem generaliter diuidimus in Diuinam & Humanam. Primam dicimus vim suam immediatè ab authoritate Dei habere: Secundam procedere immediatè ab authoritate humana à Deo accepta. Diuinam subdiuidimus, in Æternam, Naturalem, & Positiuam. Positiuam subdiuidimus in Veterem, & Nouam. Humanam autem subdiuidimus in Ecclesiasticam & Ciuilem. Ecclesiastica quæ alias vocatur Ius Canonicum, diuiditur in Decretum, & Decretales. Ciuilis constat ex Codice Imperatoris Iustiniani, qui duodecim Libris absoluitur, ex quinquaginta Libris Digestorum, ex quatuor Libris Institutionum, & ex vno Libro Nouellarum.

VI.

Cùm autem de ratione Legis sit, quòd & ostendat hominibus, quid agere, vel omittere debeant, & procedat à superiori eiusque voluntatem contineat, inde est: quòd duplex officium Legis assignemus, Vnum quòd dirigat nostros actus, aliud quòd per eam obligentur subditi ad eius obseruantiam. Effectus autem eius præcipuus est, quòd reddat homines bonos, vel simpliciter, vel secundùm quid.

VII.

Lex Æterna quæ est ratio Diuinæ sapientiæ existens in Deo ab æterno secundùm quod est directiua omnium actuum, & motionum singularum creaturarum, in Ordine ad bonum commune totius Vniuersi; differt tum ab idea, tum à prouidentia. Ab hac autem Lege Æterna aliæ Leges tanquam à fonte profluunt, & ei omnes creaturæ subiiciuntur, tam rationales vt quidem præcipienti & obliganti; quàm irrationales, vt quidem ordinanti & mouenti ad suos fines.

VIII.

Lex naturalis quæ est quoddam dictamen rationis naturalis nobis ab Authore naturæ inditum, non consistit in ipsa natura rationali, neq; est ipsum lumen intellectuale in actu primo, neq; in solo Iudicio ostensiuo boni & mali: sed consistit in Iudicio præceptivo, nimirum in actu imperij. Ad hanc autem Legem licet omnia Præcepta Decalogi excepto tertio, quantum ad sanctificationem sabbathi spectent: tamen potest dari ignorantia vincibilis circa aliqua præcepta, quæ difficili discursu & magno labore ex Præceptis vniuersalissimis deducuntur: Qualia sunt Præcepta, quæ prohibent aliquos contractus, qui reuera usurarij & simoniaci sunt, tales tamen euidenter non apparent.

IX.

Legem Humanam præter naturalem, & Diuinam hominibus esse necessariam firmiter contra Lutherum defendimus. Quæ quidem iuxta Ildorum debet esse honesta, iusta, possibilis, secundùm naturam, secundùm consuetudinem Patriæ, loco & tempori conueniens, utilis, necessaria, manifesta, nec priuato commodo, sed pro communi ciuium utilitate conscripta. Hæc autem Lex Humana ad hoc vt obliget subditos, non requirit consensum, & acceptationem populi, sed sufficit quod iusta sit, & legitimè promulgata.

Adesse potestatem legislatiuam Ciuilem, tum in Republica, contra Anabaptistas sustinemus, tum in Ecclesia Dei, cum Concilio Tridentino sessione sexta, Canone vigesimo intrepidè contra Calvinistas asserimus. Hanc autem potestatem in Ecclesia Dei habet summus Pontifex immediatè à Christo, quatenus eam tradidit Petro. non personaliter, sed vt Vicario. Et propterea summus Pontifex licet non habeat potestatem politicam, & iurisdictionem temporalem in totum Orbem Christianum, ratione tamen potestatis spiritualis, potest disponere circa temporalia. Episcopi etiam habent potestatem Legislatiuam in ordine ad proprias Ecclesias, & Summo Pontifici subordinatas. Item Prælati Religionum habent eandem Potestatem Legislatiuam ex concessione Summorum Pontificum, limitatam tamen taliter, quòd non possint Prælati Religionum suis subditis imponere nouas Leges quo ad ea, quæ sunt supra, vel præter eorum Regulam.

XI.

Quamuis Lex Humana non possit obligare ad actus purè internos, qui nullo modo per exteriores manifestantur, nec cum illis aliquam connectionem habent: tamen obligans ad illos actus internos, qui per exteriores sufficienter manifestantur, taliter obligat, quòd eas transgrediens reus sit culpæ apud Deum, & etiam aliquando obligat cum dispendio propriæ vitæ. Huic autem Legi subduntur nedum illi, qui subduntur alicui potestati, sed etiam ipsimet Principes & Legislatores.

XII.

Leges Humanæ sicut possunt aliquando ex rationabili causa mutari, ita & à viris doctis interpretari. Dispensatio autem quæ est quædam iuris relaxatio, licet non cadat in Legem Diuinam, & Naturalem, benè tamen in Legem Humanam. Superior tamen subditum sine iusta causa à Lege Humana dispensare nequit. Si tamen subditus tali dispensatione vtatur, non peccat, quia vtitur jure suo.

XIII.

Lex Vetus quæ vocatur Lex Moyſis, fuit à Deo data per Angelos in monte Synai. Quæ nedum est bona, sancta, sed etiam utilis: Non tamen fuit perfecta comparatiuè ad Legem Euangelicam. Hæc autem Lex Moyſaica triplicia in se continebat Præcepta. Moralia, & hæc spectabant ad rectitudinem naturalem populi Iudaici. Cæremonialia, & hæc pertinebant ad cultum Diuinum; & Iudicialia, & hæc pertinebant ad iustam politiam. Hæc autem Lex Vetus desijt obligare non quidem ante Christi mortem, sed in ipsa Christi morte, & Resurrectione.

XIV.

Lex noua seu Euangelica, quæ est à Christo Domino instituta, Præcepta triplicis generis in se continens, nempe, moralia, Sacramentalia, & Fidei, licet non sit data à principio mundi, est tamen duratura vsque in finem mundi.

Quæ multipliciter à Veteri differt, nam Noua per Spiritum Sanctum cordibus hominum fuit insculpta; Vetus in tabulis lapideis conscripta. Noua nos iustificat: Vetus non; Noua est instituta pro Filijs & Hæredibus; Vetus pro seruis. Noua Myſteria fidei explicite credit, Vetus ſolum implicite. Noua promittit nobis bona ſpiritualia, Vetus temporalia. Noua eſt veteris perfectio & complementum, Vetus vmbra, & figura nouæ. Tandem vt concludam cum Diuo Auguſtino, Vetus fuit Lex timoris, Noua autem Lex amoris. Ac proinde æterno Amori, nobis Legem Gratiæ, per ſuam mortem & Reſurrectionem conferenti.

Sit Laus, Honor, Virtus, & Gloria.

Disputabuntur publicè in Conuentu Sanctiſſimæ Trinitatis, Fratrum
Prædicatorum die Tredecima Aprilis, Anno Domini 1690.


Obiectis ſatisfaciet Venerabilis P. Fr. NORBERTVS ZIEMKIEWICZ, ſtudens formalis; ſub aſſiſtentia Reuerendi admodum P. Fr.

NICOLAI OBORSKI, Sacræ Theol. Præ-

ſentati, Studij Generalis Cracon: Baccalaurei.



m cordi-
Noua nos
Vetus pro
. Noua
ris perfe-
t conclu-
x amoris.
m & Re-



Fratrum

9 o.

MKIE-

P. Fr.

ca-

11. 29.

Biblioteka Jagiellońska



stdr0024515

